

PM rasmi bangunan baru Lembaga Tabung Angkatan Tentera 31 Oktober

KUALA LUMPUR 25 Okt. — Perdana Menteri, ~~Datuk Sri Dr Mahathir Mohamad~~ akan merasmikan pembukaan bangunan baru Lembaga Tabung Angkatan Tentera (LTAT) yang terletak di persimpangan Jalan Imbi dan Jalan Bukit Bintang di sini pada 31 Oktober ini.

~~Beliau~~ yang juga Menteri Pertahanan akan melawat sekitar bangunan tersebut yang berharga \$35 juta dan mendengar taklimat mengenai pembangunan LTAT.

Pengurus Besar LTAT, Encik Lodin Wok Kamaruddin dalam kenyataannya hari ini berkata, bangunan baru tersebut memperlihatkan perkembangan

pesat LTAT sejajar dengan kemajuan negara.

UM 26 OCT 1985

Bangunan 14 tingkat ini telah mula dibina pada tahun 1982 di atas tanah seluas 38,000 kaki persegi yang diperolehi dari Wilayah Persekutuan.

Bangunan ini juga

mempunyai rekabentuk yang tersendiri dan dilengkapi dengan kemudahan termoden termasuk sebuah kawasan rekreasi.

Sebelum ini bangunan LTAT terletak di sebelah bangunan Kementerian Pertahanan di Jalan Padang Tembak, di sini.